

कलस्सेला वोतुप तेपा कितुपतिवाला पावलकी टिवु यिकी

दी थेपकी कोर्ला

दी यिकी ति पावलकी कलस्सेला वोतुप चर्चला टिवु यिन। कलस्सी ति एफिससकी शारकी थाकाला वोतुप एशिया माइनरला वोतुप ग्येसा च्यिक नोक। तेकी चर्च ति पावलकी गो चुवु मिन, यिन्सिनाड ती लुङ्बाला तीकी खोरो चेक लावु यिन सिनी नोकिनोक। ती चर्चला शब्ज्यी कितुपला पावलकी एफिसस नेसुर मीतिवा साड ताङ्गनोक। ती पेला ते लेन मेटेङ्बु लोपुप गेकेनतिवी कोन्छ्योकला डो शेवु ताङ्ग खो नेसुर तेरी डार ड्येतुपला यम्बा “थुकी ग्येल्वु ताङ्ग डारतिवाला” तेन गोकिवी सिनी कर्खाप क्यानोक। तमा ती ताम्डे ति पावलला साङ्ग छ्या नोक। तोजो तिराङ्ग मिन, यिने ती गेकेनतिवी मीतिवाला यहूदी च्येतुप लुकसु कि गोकिवी, साप समा ताङ्ग यम्बा ठिमतिवा तेन गोकिवी सिनी खोप्रे येन्देन ड्येन ज्यिकिनोक।

ती तप्की पावलकी तुका येन्देन मेटेङ्बुतिवी तेन्दोकला टेङ्बु ख्रीष्टियानकी येन्देन नेसुर लङ्ग गोकिवी सिनी दी यिकी टिवु यिन। तीकी कोर्ला पावलकी दुक सिक्का वे: “तेरी थर्वा ति येशू ख्रीष्टकी नङ्गिगी, तमा यम्बा फयानकी ठिमतिवा ताङ्ग लुकसुतिवी मीतिवाला कोन्छ्योक नेसुर थाक्किङ्गु जेवी। ख्रीष्ट नेसुर राङ्ग कोन्छ्योककी जम्बुलिङ्ग ज्ये नङ्गुप यिन, तमा खो नेसुर राङ्ग तीला खोरे ओङ्गला ज्याङ्ग वे। जम्बुलिङ्गकी मीतिवा तेरीकी ख्रीष्टला तिराङ्ग थर्वा नङ्गुप यिन सिनी रेवा कि गोकिवी।” पावलकी तेपा कितुपतिवी मिजीला गोवु खक्ख्येवु येन्देनकी कोर्ला साङ्ग सिक्का वे।

दी ति ड्याम्ले कि गोवु ताम्डे यिन। दी पावलकी टिवु यिकी ति तुखिकसकी कलस्सीला खुर्नी गाल्नोक। तीकी मुला गलुप मी ति ओनेसिमस सिरुप योक्पु नोक। तीकी थोकला पावलकी फिलेमोनला दी यिकी टिनोक।

मुला राड वोतुप लोप्च्येनतिवा

- दी यिकीकी कोर्ला १:१-८
- ख्रीष्टकी च्योलाम ताड लाका १:६-२:१६
- ख्रीष्टला वोतुप मिजी सम्बा २:२०-४:६
- यिकी टिनी सिन्दा क्यावु ४:७-१८

पावलकी टसी देलेक

१ टसी देलेक! दी यिकी ति कोन्छ्योककी नोवा नेसुर ख्रीष्ट येशूकी लोमा छ्ये ड पावल ताड नुप तिमोथी नेसुर २कलस्सेला देतुप कोन्छ्योकला तेपा कितुप चाड्मा ताड खोड्तेर्मु वोतुप अच्युनुपतिवाला टिवु यिनो। दाक्पी पपा कोन्छ्योककी ख्यिराडला कटिन ताड लोदिमु नड्शी।

कोन्छ्योकला थुचिछे पुल्ली मोपोर कितुप कोर्ला

३ड्यिराड ख्यिरा थोक्ला मोपोर कितुप पेला दाक्पी चोवो येशू ख्रीष्टकी पपा कोन्छ्योकला नरी थुचिछे बुल्गिवी। ४च्यिलासिसिन ख्यिरा ख्रीष्ट येशूला तेपा क्यावु ताड कोन्छ्योककी चाड्मा वोतुप मीतिवाला ड्यिङ्ज्ये क्यावु ति ड्यिरा थोसुड। ५तुका तेपा ताड ड्यिङ्ज्ये क्यावु ति ख्यिरा थोक्ला देवाच्येनला ज्यकुप रेवा नेसुर वुड्गुप यिन। ती रेवाकी कोर्ला गोमाला के ख्यिरा सुड टेड्बु वोतुप कोन्छ्योककी लेन ल्यामु थोवु पेला हाक्को वे। ६ती लेन ल्यामु ति ख्यिरा ते वा वे। तमा ती ति तेरी जम्बुलिडला फेल्ली डोयी वे। ती दोके क्यानी ख्यिरा कोन्छ्योककी टेड्बु वोतुप कटिनकी ताम्डे थोनी हाक्कोवु पेला नेज्युनी ती लेन ल्यामुकी ख्यिरा पर्ला लाका कियी वे। ७दी

कोन्छ्योककी कटिन ति ड्यिरा मुला राड शब्ज्यी कितुप दाल्जा इपाफ्रास नेसुर ख्यिराडला लापुप यिन। ती ति ड्यिरा छापला ख्यिरा पर्ला ख्रीष्टकी थोक्ला लाका कितुप खोड्तेर्मु वोतुप नुप यिन। ८तमा कोन्छ्योककी थु चाड्माकी ख्यिराडला नड्गुप ड्यिङ्ज्येकी कोर्ला तीकी ड्यिराडला सिक्वासुड।

९ती ताम्डे थो नेज्युनी ख्यिरा थोक्ला नरी ड्यिराड कोन्छ्योकला मोपोर कियी वे। ख्यिराड कोन्छ्योककी थु चाड्माकी च्यु ताड रिक्पा नेसुर खोकी नोवा काड यिन सिनी ल्यामु हाक्कोशी सिनी ड्यिराड नरी मोपोर कितिन। १०तुक क्यासिन ख्यिरा चोवोकी सेमला डोप मिजी क्याङ्नी नरी खोला गा लोड थुक्किवी। तमा ख्यिराड तेरी मड मड लाका ल्यामु कितुप च्युङ्नी कोन्छ्योककी नड्गुप रिक्पाला फरिन डिवी। ११तमा कोन्छ्योककी मोवा वोतुप डार नेसुर ख्यिराड रम्बु च्युङ्गिगी। तुक क्यासिन ख्यिराड तेरी ताम्डेला गा क्यानी डेकला देतुप ताड हम क्यानी दे थुक्किवी। १२तीकी थोक्ला पपा कोन्छ्योकला थुचिछे पुल। खोकी ठछ्येली वोतुप ग्येल्खापला खोरे चाड्मा वोतुप मीतिवाला तेरिन सिनी थाक्छ्येतुप ति खोकी ख्यिराडला ड्ये छ्योवु जो नड वे। १३खोकी दाक्पुला नक्तोमीकी ओङ्ज्येन ने थर्वा नाङ्नी खोरे ड्यिङ्ज्येवु सेवुकी ग्येल्खापला

ल्यामो क्यानी क्यल नड वे। १४ती खोकी सेवुकी राड दाकपुला दिक्पा ने थर्वा नड्नी दाक्पी दिक्पातिवा तेरी ता च्यिनी वे।

ख्रीष्ट ति तेरी सिनाड चोछ्ये वे

१५येशू ख्रीष्ट ति दाक्पी मिक्की मोथोङ्गुप कोन्छ्योककी जुजमला वोतुप चोवो यिन। खो ति जम्बुलिडला वोतुप तेरी च्यालकतिवा सिनाड थल्माला वोतुप कोन्छ्योककी सेवु यिन। १६च्यिलासिसिन मिक्की थोङ्गुप ताड मोथोङ्गुप तेरी च्यालकतिवा खो नेसुर राड ज्ये नङ्गुप यिन। देवाच्येन ताड जम्बुलिडला वोतुपतिवा ताड ग्येल्ठिकतिवा ताड ग्येला कितुप ओडतिवा ताड ठिम कितुप डारतिवा ताड ओङ्ज्येनतिवा ताड तेरी च्यालकतिवा खो नेसुर राड खोरे थोक्ला ज्ये नङ्गुप यिन। १७ख्रीष्ट ति तेरी च्यालकतिवा सिनाड गोमाला ज्यु वोतुप यिन। तमा तेरी च्यालकतिवा खोला राड ग्येनी देन वे। १८चर्च ति जु यिन्सिन खो ति चर्चकी गो चोछ्येवु यिन। खो ति थल्मा नेज्यु वोतुप चोवो यिन, शेषतिवी पर नेमा तेरी सिनाड गोमाला डोसु लावु ति खो राड यिन। तुक क्यानी तेरीकी खला खो ति चोछ्ये वे। १९कोन्छ्योककी नोवाकी राड ख्रीष्ट ति खो ताड च्यिक्पा राड क्यानी ज्युवु गा लासुड। २०तमा ख्रीष्ट ग्यडिंशडला टुङ्नी तेन्दुप ठक

नेसुर लोदिमु नड्नी खोकी जम्बुलिड ताड देवाच्येनकी तेरी च्यालकतिवा खोरे मुला डिक्सुड।

२१तोड्ला याड ख्यिराड लाका दुक्टा क्यानी कोन्छ्योक नेसुर थाक्किड्बु गल्नी ख्यिरा सेम ति खोकी तेन्दोकला लानी डला गल वोतुपजा। २२यिने त याड खोकी थोड्दाडला चाड्मा ताड मडी मेतुप ताड क्येन मेतुप जोपला येशू ख्रीष्ट टुङ्नी खोकी ख्यिराड ताड मुला डिक्सुड। २३तुक कितुपला वुतुड के ख्यिराड तेपाला येर मर माक्यानी नरी डेकला दे गोकिवी। तमा ख्यिरा थोवु लेन ल्यामुला रेवा क्यावु ति क्युनी माज्योक। ती लेन ल्यामु ति देवाच्येनकी वोक्ला वोतुप तेरी मीतिवाला ख्याप्टाक क्यावु यिन। ड पावल साड ती लेन ल्यामु ख्याप्टाक कितुप लावा च्युड वे।

चर्चकी थोक्ला पावलकी टेमु क्यावु

२४त याड ड ख्यिरा थोक्ला दुक्पा खुरुपला गा कितिन। तमा ख्रीष्टकी जु यिन्दुप चर्चकी थोक्ला खुर गोवु दुक्पा ताड छेटाड ति डे जुला खुनी तेरी कितिन। २५कोन्छ्योककी ख्यिराडला खोकी सुड तेरी छासे ल्यामु क्यानी हाक्को ज्यितुपला खोकी डला चेक तेन नङ्गुप तप्की ड ति चर्चला शब्ज्यी कितुप लावा च्युड्सुड। २६ती सुड ति कल्वा कल्वा ताड पगावा हङ्गावी डो नेज्युनी छ्याकला वोतुप तामडे

यिन, यिने त याड खोकी तीकी तेन्दोक ति खोरे चाड्मा वोतुप मीतिवाला ठछ्येली हाक्को च्यिनी वे। २७तमा खोकी यहूदी मिन्दुप मिरिक यम्बाकी मीतिवी पर्ला ती छ्याकला वोतुप मोवा ति छासे हलेवु वे सिरुप ताम्डे ति खोरे मीतिवाला हाक्को ज्यितुपला पेन नङ्गुप यिन। ती छ्याककी ताम्डे ति ख्यिरा मिजीला वोतुप ख्रीष्ट यिन। ख्रीष्ट ख्यिरा मिजीला वोतुप तप्की ख्यिराडला मोवा वोतुप रेवा इयेनी वे। २८इयिराड दी ख्रीष्टकी कोर्ला मीतिवा तेरीला ख्याप्टाक कितिन। तमा तेरीकी ख्रीष्टला तेपा रम्बु क्यानी कोन्छ्योककी थोड्दाडला ल्यामु वोतुप जोपला इयिराडला वोतुप तेरी रिक्पा नेसुर तिवा रे रेला टोङ्गु ताड येन्देन तेकिवी। २९ख्रीष्टकी डे सेमगी दिङ्गला डार नङ्गुप तप्की राड ड दी लाका ति छासे टेमु क्यानी कितिन।

२ वुतुड के डे याड ख्यिराड ताड लाउडिकियाला वोतुप मीतिवा ताड डला डो माशेवुतिवा तेरीकी थोक्ला छासे टेमु क्यानी लाका क्या वे सिरुप ति ख्यिराडला हाक्कोशी सिरुप डे नोवा वे। ३डे तुक क्यावु ति ख्यिराड ताड तिवी सेमला डाडेड इयेनी च्यिककी च्यिकला इयिङ्ग्ये किशी सिनी यिन। तुक क्यासिन वुतुड के ख्यिराड तेरीकी सुड टेङ्गु हाक्कोनी सेमला तेन्तेन तेपा क्यानी कोन्छ्योककी छ्याकला वोतुप ख्रीष्टला ल्यामु

क्यानी डो शे थुक्किवी। ३ख्रीष्टला राड कोन्छ्योककी तेरी येन्देन ताड रिक्पा ति बानी ज्यकुप टोडुबा दोके क्यानी ज्याक्नी वे। ४डे दी ताम्डे सिक्पावु ति सी साड ख्यिराडला ताम्डे टेङ्गु वोतुप दोके जिनोक जोनी मुलुशी सिनी यिन। ५ड ख्यिरा पर्ला मेसिनाड डे सेम ति ख्यिरा पर्ला राड वे। ख्यिराड येर मर माक्यानी ख्रीष्टला तेपा क्यानी डेकला देतुप ति ल्हानी ड गा कितिन।

ख्रीष्टकी मिजी नेसुर थर्वा

६येशू ख्रीष्टला डे चोवो यिन सिनी ख्यिरा सेमला लावु तप्की ख्यिराड नरी खोकी सुडला इयेन्नी मिजी क्योड। ७तमा दोङ्बी मार तिङ्मु क्यङ्नी नाम्साड तला मग्यकुप रम्बु वोतुप दोके ख्यिराडला लापुप येन्देनला तेपा रम्बु क्यानी खोला नरी थुचिछे पुल। ८ख्यिराड च्याङ्से देता! सी साड खोप्रे च्यु ताड रिक्पा नेसुर जिनोक जोवु ताम्डेतिवा लाप्नी ख्यिराडला मुलुशिता। तुका ताम्डेतिवा ख्रीष्ट नेमा वावु मिन, यिने मीतिवी लुकसु ताड जम्बुलिङला वोतुप डार नेसुर वावु यिन। ९च्यिलासिसिन कोन्छ्योकला वोतुप तेरी छाछिडी ति ख्रीष्टकी मुला राड ज्यु वे। १०तमा ख्यिरा खोला तेपा क्यावु तप्की खोला वोतुप तेरी किताड नालुतिवा ति ख्यिरा मिजीला थोप्नी वे। खो ति तेरी ओङ्ग्येन ताड डारतिवी खला

चोछ्ये वे। ११ख्यिराड खोला तेपा क्यानी यहूदी च्येतुप लुकसु क्यावु यिन। ती च्येतुप लुकसु ति मी लाक्पी क्यावु मिन, ख्रीष्ट नेमा राड च्युङ्गुप यिन। ती ति ख्यिराडला वोतुप दिक्पाकी किताड नालु क्युरूप यिन। १२बप्तिस्मा लङ्गुप पेला ख्यिराड ख्रीष्टकी मुला राड मुक्तुम ग्यपुप दोके यिन। तमा ख्रीष्टला शेष ने डोसु लोङ्गुप कोन्छ्योककी डारला ख्यिरा तेपा क्यावु तप्की ख्यिराड साड ख्रीष्टकी मुला सेन्बु लानी वे। १३ख्यिरा दिक्पा क्यावु ताड दुक्टा कितुप किताड नालु माक्युरूप तप्की थेङ्मा यी ख्यिराड शिनी वोतुप्जा, यिने त याड कोन्छ्योककी ख्रीष्टकी मुला राड ख्यिराडला सेन्बु लाड वे। तमा ख्यिरा तेरी दिक्पातिवा ता च्यिनी वे। १४तीकी तेन्दोक ति खोकी दाक्पुला क्येन फोकुप दाक्पी क्यावु दिक्पी थोक्ला टिवु यिकीतिवा तेरी ख्रीष्टकी मुला राड ग्यङ्गिण्डला काँडी दाप्नी ना ताङ्सुड। १५ती ग्यङ्गिण्ड लोला राड डेतिवी ओङ्ग्येनतिवा ताड डारतिवाला ना ताङ्नी तिवी खला खोकी ग्येल्सुड। तमा मीतिवी मिङ्गाला तिवाला छ्या तेन्नी डोशी मारे जोसुड।

१६तुक क्यानी सी साड ख्यिराडला साप थुङ्गुप ताड चाङ्मा वोतुप ड्यिमा तेन्दुप ताड छेवा च्यिक तेन्दुप ताड डारोप ड्यिमा तेन्दुप ताम्डेकी कोर्ला क्येन मग्यक्शी। १७ती तेरी

ताम्डेतिवा ज्युक्ला वुङ्गुप ताम्डेकी च्हिप्प्याड तिराड यिन, यिने वुतुङ्की ति ख्रीष्ट राड यिन। १८ड्यिरा ज्यल्का थोङ्गुप यिन सिनी मी यम्बाला छ्या देन्दुपला कुसु ज्यम्बु जोप दुक्टातिवा ताड देवाच्येनकी लेन क्योलुप थुला तेन्दुप मीतिवा सी साड ख्यिराडला थोपुप छ्यक्तक तोर्नी डोप मोजोशी। तिवा ति सेम दुक्टा नेसुर तेन्दोक मेताला ड राड छ्ये यिन सिनी सिवी, १९तमा ख्रीष्ट ताड मुला तम्जी माजोनी कुतुक देकिवी। यिने ख्रीष्टकी ओडला देसिन तीकी तेरी जु ति थिन्जाम ताड चतिवा टेक टेक थिनी ख्रीष्टकी डार नेसुर कोन्छ्योककी नोवाला वोतुप दोके फेलिन डिवी।

ख्रीष्टकी मुला शिनी सेन्बु लङ्गुप कोर्ला

२०ख्यिराड याड ख्रीष्टकी मुला राड शिनी दी जम्बुलिडला ओङ्ग्येन क्यावु ठिम नेसुर थर्नी वे। यिन्सिनाड च्यिला दी जम्बुलिडकी ठिमला वोतुप मीतिवी दोके मिजी क्योङ्गिगी? २१च्यिला ख्यिराड “दीला जिम्बुप मेवी, तीकी टोवा ल्हाप मेवी, तीला थो तोङ्गुप मेवी।” सिरुप ठिमतिवाला तेन्गिगी? २२ती तेरी ठिमतिवा थोकिन थोकिन ना डिवी। तिवा ति मीतिवी जोवु ठिम ताड येन्देनतिवा तिराड यिन। २३तिवा ति खोप्रे जोवु छ्योला टेङ्बु कितुप ताड कुसु ज्यम्बु कितुप ताड खोरो जुला डेकला ज्योकुपला छासे रिक्पा

वोतुप दोके थोङ्गिगी, यिने तिवा ति नासाम दुक्काला खोरो ओडला ज्योकुपला काड साड फेन मोथोवु वे।

३ ख्यिराड ख्रीष्टकी मुला राड सेन्बु लङ्गुप तप्की येर देवाच्येनकी ताम्डेतिवाला नासाम तोड। ते देवाच्येनला ख्रीष्ट कोन्छ्योककी यावी थाकाला ज्युकिवी। २तुक क्यानी ख्यिराड जम्बुलिङकी ताम्डेला मिन, येर देवाच्येनकी ताम्डेला नासाम तोड। ३च्यिलासिसिन ख्यिराड शिनी वे, तमा ख्यिरा मिजी ति ख्रीष्टकी मुला राड कोन्छ्योककी चिप्ला बानी ज्याड वे। ४ख्यिरा मिजी ति ख्रीष्ट यिन। खो फेपुप तुजेला ख्यिराड साड खोकी मुला राड खोकी मोवाला वुङ्गुप थोङ्गितो।

मिजी ड्यिङ्बा ताड सम्बा

५तुक क्यानी ख्यिरा जम्बुलिङकी मिजीला वोतुप नोवातिवा तेरी क्युर। ती नोवातिवा ति शम्डेन कितुप ताड छ्येवु कितुप ताड चोताम लपुप ताड नासाम मेलोवा तोङ्गुप ताड देर्पा कितुप यिन। देर्पा कितुप ति कुला छ्यो तङ्गुप दोके यिन। ६ती ताम्डेतिवी जोसालेन्सिन कोन्छ्योककी पचर्या ति खोकी कला मेङ्गेन्दुपतिवाला ख्येल्गिवी। ७गोमाला थेङ्मा यी ख्यिरा मिजी साड तुकै राड वोतुपजा। तमा तुक राड क्यानी युवु साड यिन्दुपजा। ८यिने त याड ख्यिरा मिजी नेसुर ती

तेरी ड्यिर्मु कितुप ताड ड्यिर्मु कोक्पु वोतुप ताड ड्यिङ्मर कितुप ताड मारे तोङ्गुप ताड ताम्डे मेलोवा लपुप ति ख्यिरा ख नेमा क्युर गोकिवी। ९ख्यिराड च्यिककी च्यिकला जिनोक माजो। च्यिलासिसिन ख्यिरा रङ्गी मिजी ड्यिङ्बा ताड तीला वोतुप किताड नालुतिवा तेरी क्युर्नी १०ख्यिरा रङ्गी मिजी सम्बा फोनी वे। तुक क्यानी ख्यिराड जो नङ्गुप कोन्छ्योककी ख्यिरा मिजी साड खोकी किताड नालु दोके मड मड सम्बा जो नङ्गिगी। तमा ख्यिरा खोकी रिक्पाकी कोर्ला ल्यामो क्यानी हाक्कोकिवी। ११कोन्छ्योककी मिजी सम्बा जो नङ्गुप तप्की दे याड ग्रीक ताड यहूदी, च्येतुप लुकसु क्यावु ताड च्येतुप लुकसु माक्यावु, छ्यिग्यपकी मी ताड च्योलाम ल्यामु मेतुप मी, योक्पु ताड योक्पु मिन्दुप मीतिवी पर्ला काड साड ख्ये मे। यिने ख्रीष्ट तिराड तेरी सिनाड खक्छ्येवु वे, तमा खो ति तेरी मीतिवी मुला ज्यु वे।

१२ख्यिराड कोन्छ्योककी पेन नङ्गुप खोकी ड्यिङ्ज्येवु ताड टेङ्बु वोतुप मी यिन्दुप तप्की च्यङ्च्यु सेम्बा ताड च्यम्बा कितुप ताड खोरुडला मो बेपुप ताड कुसु ज्यम्बु ताड हम क्या देतुप वुड गोकिवी। १३मी ललाइकी ख्यिरा तेन्दोकला लानी काड रे च्यिक रे ताम्डे क्यासिन ख्यिराड च्यिककी च्यिकला हम क्यानी तीला माफ बिन। चोवोकी ख्यिराडला माफ नङ्गुप दोके

ख्यिरा साड माफ तेर गोकिवी। १४दी तेरी सिनाड मड खकछ्येवुला ख्यिराड च्यिककी च्यिकला ड्यिङ्ज्ये की। ख्यिराड च्यिककी च्यिकला ड्यिङ्ज्ये क्यासिन ख्यिरा तेरी सेम ति वतुड के च्यिकपा राड च्युङ्गिगी। १५ख्रीष्टकी ख्यिराडला लोदिमु नङ्गुप तप्की ख्यिराड च्यिककी च्यिकला नरी ड्यिङ्ज्ये की। च्यिलासिसिन ख्यिराड च्यिककी च्यिकला लोदिमु क्यानी सेम थिन्नी देतुपला राड कोन्छ्योककी ख्यिराडला कताड नङ्गुप यिन। तीकी थोकला ख्यिरा खोला थुचिछे पुल। १६ख्रीष्टकी सुड ति छासे क्यानी ख्यिरा सेमला नरी लुशी। तमा तेरी च्यु ताड रिक्पाकी च्यिककी च्यिकला लोपुप ताड टोङ्गु बिन। कोन्छ्योकला सोवा देकुप लुतिवा ताड कोन्छ्योककी थु चाङ्माकी नङ्गुप लुतिवा लानी सेमगी दिड नेज्युनी कोन्छ्योकला थुचिछे पुल। १७तमा ख्यिरा ताम्डे ताड लाका काड क्यासिनाड चोवो येशूकी मिडला किसा। खो नेसुर राड पपा कोन्छ्योकला थुचिछे पुल।

तेपा कितुप मिछाडतिवाला टोङ्गु

१८पेर्मीतिवा, ख्यिरा रडगी ख्योवातिवी सिक्पावु खला ड्येन। तुक कितुप ति चोवोला तेपा कितुप मीतिवी कि गोवु यिन।

१९ख्योवातिवा, ख्यिरा रडगी पेर्मीतिवाला च्युरुवु माक्यानी ड्यिङ्ज्ये किसा।

२०आडातिवा, ख्यिरा नरी रडगी पपाआमी सिक्पावु खला ड्येन। तुक क्यासिन चोवो येशूला गा लङ्गिगी।

२१तमा पपातिवा, ख्यिरा रडगी पेजातिवाला ड्यिर्मु मालोड। तुक क्यासिन तिवी सेम शिवी।

२२लावातिवा, ख्यिराड दी जम्बुलिङकी रडगी ज्यिन्दाकतिवी सिक्पावु खला ड्येन। तिवाला गा लोङ्गुप नोनी तिराड तिवी थोङ्दाडला लाका माकी, यिने चोवोला ज्यिवा खुर्नी सेम टेङ्बुकी लाका की।

२३ख्यिरा काड किसिनाड मी थोकला क्यावु दोके मिन, यिने चोवोला क्यावु दोके सेमगी दिड नेज्युनी लाका किसा।

२४नासाम तोड, चोवोकी ख्यिराडला थाकछ्येन नङ्गुप छ्यक्तक नङ्गिगी सिरुप ति छ्या राड वे। चोवो येशू ख्रीष्ट ख्यिरा ज्यिन्दाक यिन। ख्यिरा खोला राड शब्ज्यी कियी वे। २५लाका मेलोवा कितुप सु यिन्सिनाड तीला पर्च्या मेलोवा राड फोकिवी। चोवोकी सुला साड ख्ये मेबेवी।

४ ज्यिन्दाकतिवा, ख्यिरा साड देवाच्येनला रडगी ज्यिन्दाक वे सिरुप ति हाककोनी रडगी लावातिवाला ख्ये मापेवा क्यानी टेङ्बु किसा।

टोङ्गु यम्बा

२ख्यिराड नरी मोपोर क्या क्यावा देता। मोपोर कितुप पेला चेर्मु क्यानी थुचिछे पुलनी मोपोर किसा। ३तमा

डियरा थोक्ला साड मोपोर किसा। कोन्छ्योककी सुड ख्याप्टाक कितुपला खोकी दाक्पी थोक्ला गो पेनी ख्रीष्टकी छ्याकला वोतुप ताम्डेतिवा ख्याप्टाक कि थुप्शी। तीकी थोक्ला राड ड चोन्खाडला शोर्नी वे। ४ तमा कि थुपा सेक ल्यामो क्यानी ती सुड ति डे ख्याप्टाक कि थुप्शी सिनी तीकी थोक्ला ख्यिरा मोपोर किटे किसा। ५ तेपा मिकिवुतिवी मुला किताड नालु कितुप पेला कोन्छ्योककी नङ्गुप रिक्पा नेसुर किसा। तमा ख्यिराडला थोपुप तुजेला तेरी ल्यामु क्यानी लाका किसा। ६ छे टोवाकी समा शिम्बु जोवु दोके ख्यिरा ताम्डे लप्ताड ति नरी कटिन नेसुर वुड गोकिवी। तुक क्यासिन सी ख्यिराडला टिवा टिसिनाड ख्यिरा तिवाला ल्यामु क्यानी टिलेन तेर थुप्किवी।

तिङ्मी टसी देलेक

७ दाक्पी नुप तुखिकसकी राड डे कोर्ला तेरी लेन ति ख्यिराडला लप्कितो। ती ति डे डियङ्ज्येवु नुप यिन, तमा डे मुला राड चोवोला शब्ज्यी कितुप खोड्तेर्मु वोतुप मी यिन। ८ डे तीला ख्यिरा ते तोङ्गुप तेन्दोक ति तीकी डियरा कोर्ला ख्यिराडला ल्यामो हाक्को ज्यितुप ताड ख्यिरा सेमला डाडेड तेरुपला यिन। ९ तीकी मुला डियरा डियङ्ज्येवु ताड खोड्तेर्मु वोतुप नुप ओनेसिमस साड वुडियन वोतो। ती ति ख्यिरा मु

नेसुर राड वावु मी यिनो। दे च्युङ्गुप ताम्डेतिवा तिवी राड तेरी ख्यिराडला लप्कितो।

१० ड ताड मुला राड चोन्खाडला वोतुप अरिस्तार्खसकी साड ख्यिराडला टसी देलेक सिनी तड वोतो। तमा बारनाबासकी नुप मर्कूसकी साड ख्यिराडला टसी देलेक सिनी तड वोतो। ती मर्कूसकी कोर्ला गोमाला साड डे ख्यिराडला सिक्पायिनो। ती ख्यिरा ते वासिमा तीला ल्यामो क्यानी गासो शुसा। ११ युस्तस सिरुप येशूकी साड ख्यिराडला टसी देलेक सिनी तड वोतो। यहूदीतिवी पर्ला तिवा ति कोन्छ्योककी ग्येल्खापकी थोक्ला डे मुला राड लाका कितुपतिवा यिन। वुतुड के तिवी डला छासे टोङ्गु बिन्सुड। १२ ख्यिरा मु नेसुर वावु इपाफ्रासकी ख्यिराडला टसी देलेक सिनी तड वोतो। ती ति येशू ख्रीष्टकी थोक्ला शब्ज्यी कितुप मी यिन। तीकी ख्यिराड तेपा रम्बु ताड डेकला देनी कोन्छ्योककी नोवा ति काड यिन सिनी तेन्तेन हाक्को थुप्शी सिनी नरी ख्यिरा थोक्ला मोपोर क्या क्यावा देकिवी। १३ ड तीकी थोक्ला पड्बु तेरिन, तीकी वुतुड के ख्यिराड ताड लाउडिकिया ताड हिरापोलिसला वोतुप मीतिवी थोक्ला छासे टेमु क्या वे। १४ डियरा डियङ्ज्येवु आम्ज्यी लूका ताड डेमासकी ख्यिराडला टसी देलेक सिनी तड वोतो। १५ लाउडिकियाला वोतुप नुपतिवा

ताड नुम्फास ताड तीकी खाड्बा
जोम्बुप चर्चकी मीतिवाला डियरा
छ्योक नेसुर टसी देलेक सिनी
सिसा। १६दी यिकी ति ख्यिरा रानी
सिन्सिमा लाउडिकियाला वोतुप
चर्चला साड रोक च्यिता। तुक राड
क्यानी लाउडिकियाकी चर्च नेसुर
वावु यिकी साड ख्यिरा रोसा। १७तमा
“चोवोकी नङ्गुप लाका ति तेरी डुप

राड गोकिवी।” सिनी अखिप्पसला
सिसा।

१८ड पावलकी छ्योक नेमा
ख्यिराडला टसी देलेक वोतो। दी
टसी देलेक सिक्खावु ति डे लाक्पी
राड टिवु यिनो। ड चोन्खाडला शोर्नी
च्याटोक ग्यपुप ति ख्यिरा टोक
माज्येता। कोन्छ्योककी कटिन ति
ख्यिरा मुला लुशी।

